



# **Cyngor Bwrdeistref Sirol Conwy**

## **Yr Amgylchedd, Ffyrdd a Chyfleusterau**

### **Polisi Canolfannau Ailgylchu Gwastraff Cartref**

**Hydref 2020**

## Cynnwys

1.0	CEFNDIR.....	Error! Bookmark not defined.
2.0	CYMHWYSEDD .....	Error! Bookmark not defined.
3.0	ORIAU GWEITHREDOL Canolfannau Ailgyrchu Gwastraff Cartref.	Error! Bookmark not defined.
4.0	DEUNYDDIAU A DDERBYNNIR MEWN CANOLFANNAU AILGYLCHU GWASTRAFF CARTREF.....	Error! Bookmark not defined.
5.0	APWYNTIADAU.....	Error! Bookmark not defined.
6.0	DEUNYDDIAU GYDA CHYFYNGIADAU (a dderbynnir yn rhad ac am ddim)..	Error! Bookmark not defined.
7.0	DEUNYDDIAU AC EITEMAU TALADWY .....	Error! Bookmark not defined.
8.0	DEUNYDDIAU NA DDERBYNNIR MEWN CANOLFANNAU AILGYLCHU GWASTRAFF CARTREF .....	Error! Bookmark not defined.
9.0	AMODAU YMWELWYR CANOLFANNAU AILGYLCHU GWASTRAFF CARTREF	Error! Bookmark not defined.
10.0	GWASTRAFF MASNACHOL.....	Error! Bookmark not defined.
11.0	CYNLLUN TRWYDDED FAN DDOMESTIG A CHYNLLUN TRWYDDED DEFNYDD UNTRO .....	Error! Bookmark not defined.

Fersiwn / Fersiynau Blaenorol Fersiwn 2.1 Tachwedd 2017

## **POLSI CANOLFANNAU AILGYLCHU GWASTRAFF CARTREF**

### **1.0 CEFNDIR**

- 1.1 O dan *Adran 51* o Ddeddf Diogelu'r Amgylchedd 1990, mae gan Gyngor Bwrdeistref Sirol Conwy ddyletswydd statudol i ddarparu cyfleusterau lle gall deiliaid tai gael gwared ar eu **gwastraff cartref**.
- 1.2 Bydd y Cyngor yn darparu Canolfannau Ailgylchu Gwastraff Cartref wedi'u rheoli'n dda, sy'n hygyrch, yn ddiogel ac yn bodloni gofynion deiliaid tai yng Nghonwy.
- 1.3 Strategaeth wastraff y Cyngor yw aildddefnyddio, ailgylchu a chompostio cymaint o wastraff y gellir ei adfer ag sy'n ymarferol yn ei Ganolfannau Ailgylchu Gwastraff Cartref.
- 1.4 Ar hyn o bryd mae'r Cyngor yn darparu dwy Ganolfan Ailgylchu Gwastraff Cartref, ym Mochdre a Gofer (Abergele).
- 1.5 Bydd deunydd gwastraff sydd wedi ei gategoreiddio fel gwastraff **nad yw'n wastraff cartref** (fel y'i diffinnir yn EPA 1990 a Rheoliadau Gwastraff a Reolir (Cymru a Llegr) 2012) yn destun ffi resymol er mwyn talu'r costau cludiant, trin, a gwaredu.

### **2.0 CYMHWYSEDD**

- 2.1 Bydd pob cartref yng Nghonwy sy'n talu Treth y Cyngor safonol â'r hawl i ddefnyddio Canolfannau Ailgylchu Gwastraff Cartref y Cyngor i gael gwared ar eu gwastraff cartref eu hunain.
- 2.2 Bydd manau addoli crefyddol, siopau elusen cofrestredig a neuaddau cymunedol (lle nad oes gweithgaredd busnes yn cael ei gynnal er mwyn gwneud elw) â'r hawl i'r un gwasanaeth a gynigir i ddeiliaid tai.

### 3.0 ORIAU GWEITHREDOL CANOLFANNAU AILGYLCHU GWASTRAFF CARTREF

Drwy gydol y flwyddyn (ac eithrio dydd Nadolig, dydd San Steffan a dydd Calan)

	Haf (Ebrill i Hydref)	Gaeaf (Tachwedd i Mawrth)
Dydd Llun i ddydd Gwener	9:00 tan 17:00	09:00 tan 16:00
Dydd Sadwrn	9:00 tan 17:00	09:00 tan 16:00
Dydd Sul	9:00 tan 16:00	09:00 tan 16:00
27 i 31 Rhagfyr a 2 Ionawr yn cynnwys y dyddiadau hynny		09:00 tan 18:00

### 4.0 DEUNYDDIAU A DDERBYNNIR MEWN CANOLFANNAU AILGYLCHU GWASTRAFF CARTREF

- 4.1 Mae Canolfannau Ailgylchu Gwastraff Cartref yn cael eu darparu er mwyn caniatáu preswylwyr Conwy i waredu ychydig o wastraff domestig (gwastraff o gartref y preswlydd ei hun). Bydd eitemau o wastraff y byddai disgwyl i gartref nodweddiadol eu taflu yn ystod arferion bywyd bob dydd yn cael eu derbyn.
- 4.2 Er mwyn sicrhau defnydd gwasanaeth teg, bydd peth deunyddiau yn cael eu cyfyngu o ran faint ohono y derbynnir (gweler 6.0)
- 4.3 Mae rhai mathau o wastraff a dderbynnir yn y Canolfannau Ailgylchu Gwastraff Cartref yn cael eu categoreiddio fel gwastraff nad yw'n wastraff cartref, a chodir tâl rhesymol er mwyn talu am gludo, trin a gwaredu'r deunyddiau hyn (gweler 7.0).
- 4.4 Derbynnir y deunyddiau canlynol gan breswylwyr mewn Canolfannau Ailgylchu Gwastraff Cartref am ddim:
- **Dillad a thecstilau**
  - **Cardfwrdd, papurau newydd a chylchgronau**
  - **Poteli a Jariau Gwydr**
  - **Dodrefn** (dodrefn cartref yn unig)
  - **Tuniau bwyd a diod.**
  - **Eitemau metel scrap** (fferrus ac anfferrus)

- **Plastigau meddal cymysg (poteli a chynwysyddion plastig)**
- **Tetrapaks** (Cartonau diodydd)
- **Nwyddau trydanol (offer domestig)** fel popty, oergell, rhewgell, teledu, cyfrifiaduron, stereos.
- **Platigau caled** (fel teganau plant, dodrefn gardd)
- **Gwastraff gardd gwyrdd** (sy'n dod o gyfeiriad deiliaid tai yn unig)

Efallai na dderbynnir nifer anarferol o fawr o'r eitemau uchod neu nifer fawr o'r un eitem(au).

## 5.0 APWYNTIADAU

- 5.1 Dim ond drwy drefnu apwyntiad y bydd modd ymweld â'r Canolfannau Ailgylchu Gwastraff Cartref.
- 5.2 Bydd pob aelwyd yn cael hyd at 3 ymweliad â'r safleoedd fesul mis, er mwyn sicrhau fod pawb sydd eisiau defnyddio'r canolfannau yn gallu cael apwyntiad.
- 5.3 Gellir gwneud apwyntiadau drwy ddefnyddio'r ffurflen archebu ar wefan Cyngor Bwrdesitref Sirol Conwy <https://www.conwy.gov.uk/cy/Resident/Recycling-and-Waste/Recycling-banks-and-household-recycling-centres/Book-an-appointment-for-the-Household-Recycling-Centre.aspx> neu os nad oes cysylltiad â'r rhyngwrdd, drwy ffonio'r Tîm Cynghori ar 01492 575337.
- 5.4 Ceisiwch gyrraedd yn brydlon, er mwyn osgoi ciwiau. Arhoswch yn eich car gyda'ch ffenestri i fyny nes y bydd staff yn gofyn i chi yrru i'r ganolfan. Mae slotiau yn 10 munud o hyd, dylid dadlwytho'r holl wastraff yn ystod y cyfnod hwn o amser. Bydd angen didoli gwastraff cyn cyrraedd y safle er mwyn sicrhau y gellir ei ddadlwytho o fewn y slot 10 munud.

## 6.0 DEUNYDDIAU GYDA CHYFYNGIADAU (a dderbynnir yn rhad ac am ddim)

- 6.1 **Gwastraff cyffredinol (gwastraff na ellir ei ailgylchu) mewn bagiau neu flychau:** gwastraff na ellir ei ail-ddefnyddio, ei ailgylchu na'i gompostio. Gofynnir i unrhyw un sy'n dod â bagiau du neu flychau o wastraff cymysg i'r safle gan y cymhorthwyr i'w hagor a didoli gwastraff i ddeunyddiau y gellir eu hailgylchu a deunyddiau na ellir eu hailgylchu. Bydd menig a chyfleusterau golchi dwylo ar gael. Y nod yw lleihau faint o wastraff sy'n mynd i'w waredu ac er mwyn cyflawni hyn, bydd gofyn i ddefnyddwyr y safle didoli eu gwastraff ac ni chaniateir iddynt gael gwared ar wastraff y gellir ei ailgylchu.
- 6.2 **Gwastraff anifeiliaid:** dim ond gwastraff gan anifeiliaid domestig dof a dderbynnir. **Gellir dod ag uchafswm o ddau fag bin o bob cartref ar y mwyaf bob pythefnos** - rhaid rhoi gwastraff mewn bagiau dwbl cyn cael gwared arnynt. Rhowch wybod i staff y safle pa fath o wastraff yw cyn ei roi yn y bin gwastraff cartrefi i'w gwaredu. Ni dderbynnir gwastraff gan dda byw,

anifeiliaid wedi'u bridio, anifeiliaid sy'n preswyllo, anifeiliaid mewn stablau neu rai a arddangosir.

**6.3 Tiwbiau golau fflworoleuol (uchafswm o 5 y flwyddyn)**

**6.4 Batris car (uchafswm o 2 y flwyddyn).**

**6.5 Paent:** rhaid i'r holl baent sy'n dod i'r Canolfannau Ailgylchu Gwastraff Cartref fod mewn cynwysyddion wedi'u selio'n addas. Bydd cyfyngiad ar faint o baent a ganiateir a waredir y flwyddyn **(15 uned y flwyddyn)** yn seiliedig ar faint y cynhwysydd:

llai na can 2.5 litr = 1 uned

2.5l i 5 litr = 2 uned

yn fwy na 5 litr i 10 litr = 4 uned

Asesiad yn seiliedig ar faint y can, yn hytrach nag a yw bron yn wag neu'n llawn.

**6.6 Matresi: (uchafswm o ddwy fatres bob blwyddyn).**

**6.7 Olew injan ac olew coginio (uchafswm o 10 litr y flwyddyn).**

**6.8 Carpedi - sy'n gyfwerth â 6 ystafell y flwyddyn** (gyda'r cyntedd, landin a grisiau yn cyfrif fel 1 ystafell).

**6.9 Cynwysyddion Tanwydd** - bydd cynwysyddion tanwydd fflamadwy bach ond yn cael eu derbyn os ydynt eisoes wedi'u torri i mewn i ddau ddarn neu fwy (i sicrhau nad oes unrhyw hylif tanwydd neu anweddau yn bresennol.)

**6.10 Y gwastraff peryglus o gartrefi** y gellir eu derbyn mewn Canolfannau Ailgylchu Gwastraff Cartref mewn symiau bach (ac wedi eu labelu yn glir) yw:

- cemegau fel hylif brêc neu arlliw argraffydd
- batris cartref
- toddyddion
- plaladdwyr
- cyfarpar sy'n cynnwys sylweddau sy'n teneuo'r osôn, fel oergelloedd

**7.0 DEUNYDDIAU AC EITEMAU TALADWY**

**7.1** Dim ond rhwymedigaeth gyfreithiol i ddarparu adnoddau canolfan ailgylchu ar gyfer gwastraff cartref sydd gan Gyngor Bwrdeistref Sirol Conwy (sef gwastraff sy'n deillio o redeg cartref o ddydd i ddydd). Fodd bynnag, mae eitemau o drwsio neu wella tai (fel gwastraff DIY) yn cael eu categorio fel gwastraff adeiladu, a does dim rhaid i'r Cyngor ddarparu unrhyw wasanaeth ar gyfer gwaredu'r deunydd hwn na'i dderbyn yn rhad ac am ddim.

- 7.2** Cydnabyddir bod angen adnoddau er mwyn i drigolion lleol waredu ychydig o wastraff DIY (yn arbennig ar gyfer ychydig fagiau o wastraff lle nad yw'n werth iddynt logi sgip) a theiars, ac felly yn hytrach na chael gwared o'r gwasanaeth dewisol hwn yn llwyr, bydd gwastraff o'r fath yn cael ei dderbyn am dâl.
- 7.3** Diffinnir Gwastraff Cartref a gwastraff nad yw'n wastraff Cartref (gan gynnwys gwastraff adeiladu) yn Neddf Diogelu'r Amgylchedd 1990 a Rheoliadau Gwastraff a Reolir (Cymru a Lloegr) 2012.
- 7.4** Bydd rhaid talu am dderbyn:
- **Gwastraff adeiladu a dymchwel (pridd, rwbel a gwastraff DIY):** gan gynnwys ond nid yn gyfyngedig i wastraff DIY, brics, concrid neu sment, rwbel, brics adeiladu, slabiau palmant, seiliau caled, toiledau, sincipiau, cawodydd, baddonau, unedau cegin neu ystafelloedd ymolchi, paneli neu byst ffens, deunyddiau inswleiddio, cafnau a pheipiau glaw, fframiau drysau neu ffenestri PVC, ac adeiladau sy'n dod yn ddarnau. NODWCH: dylai pridd a rwbel gael ei gyrchu i'r safle mewn bagiau neu mewn bwcedi fel y gellir ei ollwng i'r cynhwysydd cywir. Ni fydd peirianwaith penodol ar y safle er mwyn gollwng cynnwys rhydd i gerbyd neu drelar.
  - **Plastrfwrdd (Gypswm):** yn cynnwys plastr a chynnyrch sy'n gysylltiedig â gypswm
  - **Asbestos:** bydd amodau penodol yn berthnasol wrth ei dderbyn o ran ei gyflwyno yn ddiogel – rhaid iddo fod wedi ei lapio'n ddwbl mewn plastig caled ac wedi ei selio yn llwyr. Mae angen i breswylwyr ffonio'r safle o flaen llaw er mwyn sicrhau fod digon o adnoddau ar gael i dderbyn y deunydd. (Ni ellir gwarantu derbyn deunydd heb fod wedi gwneud apwyntiad i drefnu hynny o flaen llaw). Dylai trigolion sydd am waredu llawer iawn o asbestos gysylltu â chontractwr arbenigol.
  - **Coed a phren:** gwastraff adeiladu cyffredinol fel drysau pren (mewnol ac allanol), siediau pren, paneli a physt ffens, cypyrddau cegin neu ystafell ymolchi, a chypyrddau dillad sefydlog, sglodfwrdd a phren adeiladu sydd dros ben (er mwyn osgoi amheuaeth, mae dodfren pren yn cael ei drin fel gwastraff swmpus a byddai'n cael ei dderbyn am ddim).
  - **Teiars (cerbydau modur a beiciau modur);** ni dderbynnir teiars cerbydau masnachol nac amaethyddol. Ni chodir tâl am deiars beics.
  - **Poteli Nwy**

- 7.5** Cyhoeddir rhestr o daliadau ar gyfer y flwyddyn ariannol gyfredol ar wefan y Cyngor ac mae ar gael fel taflen yn y lleoliadau canlynol:
- Canolfan Ailgylchu Gwastraff Cartref Abergele
  - Canolfan Ailgylchu Gwastraff Cartref Mochdre
- Gellir darparu gwybodaeth mewn fformatau eraill (fel Braille neu CD) ar gais.
- 7.6** Dylai deiliaid tai sydd â llawer o'r math hwn o ddeunydd i'w waredu gysylltu â chwmni sgipiau trwyddedig. Bydd angen i ddeiliaid tai sydd â llawer o wastraff adeiladu a dymchwel i'w waredu gysylltu gyda chwmni rheoli gwastraff amgen.

## **8.0 DEUNYDDIAU NA DDERBYNNIR MEWN CANOLFANNAU AILGYLCHU GWASTRAFF CARTREF**

- 8.1 Gwastraff gardd gwyrdd: rhywogaethau ymledol:** gellir cael gwared ar wastraff gardd gwyrdd dros ben (sy'n dod o gyfeiriad y deiliaid tai yn unig) mewn Canolfannau Ailgylchu Gwastraff Cartref, fodd bynnag, ni fydd chwyn gwenwynig a rhywogaethau ymledol (gan gynnwys, ond heb eu cyfyngu i Lysiau'r Dial, Ffromlys Chwarennog a Llysiau'r Gingroen) yn cael eu derbyn.

### **8.2 Oergelloedd a rhewgelloedd masnachol**

### **8.3 Gwastraff peryglus:**

- Petrol a diesel
- bwledi a chetris
- Tân gwyllt a fflerau morol
- Deunyddiau ffrwydrol arall
- Gwastraff Clinigol
- Meddyginiaethau
- Carcasau Anifeiliaid

- 8.4 Ni fydd gwastraff mawr neu anodd yn cael eu derbyn mewn Canolfannau Ailgylchu Gwastraff Cartref** fel cerbydau wedi eu gadael, trelars, siediau, carafannau, bonion coed mawr, cerrig mawr neu glogfeini, peiriannau, carcasau, hylifau fflamadwy, a ffrwydron.

## **9.0 AMODAU YMWELWYR CANOLFANNAU AILGYLCHU GWASTRAFF CARTREF**

- 9.1** Rhaid i ddefnyddwyr y Canolfannau Ailgylchu Gwastraff Cartref gydymffurfio â'r cyfarwyddiadau a roddir gan y personél ar y safle, cyfraith iechyd a diogelwch a chanllawiau, unrhyw arwyddion, cyfyngiadau cyflymder, a pholisi penodol didoli a gwahanu gwastraff.
- 9.2** Bydd gwastraff sy'n dod i'r Canolfannau Ailgylchu Gwastraff Cartref ar deiliaid tai sydd wedi cael ei greu neu ei gludo gan grefftwr/grefftwr a dalwyd i



weithio ar eu heiddo yn cael ei dderbyn o ddangos Trwydded Cludydd Gwastraff a Nodyn Trosglwyddo Gwastaff dilys, sydd yn cynnwys gwybodaeth am ffynhonnell y gwastraff a llofnod deiliad y tŷ o lle ddaeth y gwastraff (yn unol â'r gyfraith).

- 9.3** O safbwynt yr uchod (7.4), rhaid talu am ddeunyddiau ac eitemau taladwy ar adeg eu gwaredu. Er mwyn osgoi amheuaeth, pan fydd crefftwr a delir yn creu ac yn cludo gwastraff ar ran deiliad tŷ, bydd angen i'r crefftwr/crefftwyr dalu ffioedd y safle pan fyddant yn trosglwyddo'r gwastraff. Bydd unrhyw drefniant gan y crefftwr (crefftwyr) i godi tâl ar y deiliad tŷ yn fater preifat rhyngddyn nhw.
- 9.4** Bydd cyfyngiadau ar fathau a maint cerbydau yn berthnasol yn y Canolfannau Ailgylchu Gwastraff Cartref (gweler 11.7).
- 9.5** Ni fydd unrhyw berson o dan 16 oed yn cael mynediad i Ganolfan Ailgylchu Gwastraff Cartref oni bai eu bod yn cael ei oruchwyllo gan oedolyn cyfrifol.
- 9.6** Ni fydd unrhyw anifeiliaid anwes yn cael mynediad i Ganolfan Ailgylchu Gwastraff Cartref.
- 9.7** Cyfrifoldeb y deiliad tŷ yw rhoi eu gwastraff eu hunain yn y lleoliad neu gynhwysydd priodol mewn Canolfan Ailgylchu Gwastraff Cartref (yn ôl cyfarwyddyd personél y safle). Gall deiliaid tai ofyn am gymorth personél y safle i helpu gyda chodi a chario os oes angen.
- 9.8** Ni fydd staff y safle yn goddef unrhyw ymddygiad camdriniol nac ymosodol.
- 9.9** Bydd gan y Cyngor yr hawl i wrthod unrhyw berson rhag dod i Ganolfan Ailgylchu Gwastraff Cartref os yw'n amau eu bod wedi mynd yn groes i unrhyw un o'r amodau a amlygwyd o fewn y Polisi Canolfannau Ailgylchu Gwastraff Cartref.

## **10.0 GWASTRAFF MASNACHOL**

- 10.1** Nid yw Canolfannau Ailgylchu Gwastraff Cartref y Cyngor yn derbyn gwastraff masnachol na busnes, y gellir ei ddiffinio fel gwastraff o eiddo a ddefnyddir yn llwyr neu yn bennaf at ddibenion masnach neu fusnes neu at bwrpas chwaraeon, hamdden, addysg neu adloniant. Yr unig eithriad fydd gwastraff sydd wedi ei gludo i Ganolfan Ailgylchu Cartref ar ran deiliaid tŷ sydd wedi ei greu neu ei gludo gan grefftwr sy'n cael tâl sy'n gweithio yn eu heiddo fel y disgrifir yn 9.2. Bydd holl reolau safle ac amodau'r Polisi Canolfannau Ailgylchu Gwastraff Cartref yn berthnasol.
- 10.2** Bydd y Cyngor yn monitro cam-ddefnyddio gwastraff masnachol yn ei Ganolfannau Ailgylchu Gwastraff Cartref Os bydd ymwelydd yn cael ei amau o gymryd gwastraff masnachol i Ganolfan Ailgylchu Gwastraff Cartref, bydd personél safle yn holi'r unigolyn ynglŷn â ffynhonnell y deunydd Os bydd angen, bydd gofyn i'r ymwelydd safle lenwi 'Ffurflen Datganiad' yn cadarnhau

manyllion ynglŷn â'r gwastraff. Yn dilyn y wybodaeth hon, bydd y Cyngor yn ymchwilio a gallai hyn arwain at un o'r camau gweithredu canlynol:

- i. Rhoi cyngor ynghylch cydymffurfiaeth
- ii. Anfon llythyr â rhybudd ysgrifenedig
- iii. Gwahardd unigolyn (unigolion) rhag defnyddio'r safle
- iv. Cyhoeddi hysbysiad gorfodi
- v. Rhoi Rhybudd Ffurfiol
- vi. Eryl trwy'r llysoedd
- vii. Cyfeirio'r mater at gorff arall ar gyfer camau gorfodi, e.e. Cyfoeth Naturiol Cymru, Awdurdod Gweithredol Iechyd a Diogelwch, Safonau Masnach neu'r Heddlu.

**10.3** Bydd y Cyngor yn monitro cam-ddefnyddio gwastraff masnachol trwy ddefnyddio teledu cylch cyfyng a dulliau adnabod rhifau ceir yn awtomatig.

**10.4** Bydd gan y Cyngor yr hawl i wrthod unrhyw berson rhag dod i Ganolfan Ailgylchu Gwastraff Cartref os yw'n amau eu bod wedi mynd yn groes i unrhyw un o'r amodau Polisi Canolfannau Ailgylchu Gwastraff Cartref.

## **11.0 CYNLLUN TRWYDDED FAN DDOMESTIG A CHYNLLUN TRWYDDED DEFNYDD UNTRO**

Darperir Canolfannau Ailgylchu Gwastraff Cartref i ddeiliaid tai gael gwared ar eu gwastraff yn ddiogel ac yn gyfleus. Mae rhai masnachwyr yn defnyddio'r Canolfannau Ailgylchu Gwastraff Cartref i gael gwared ar eu gwastraff yn anghyfreithlon. Mae'r costau gwaredu hyn yn cael eu hariannu gan drethdalwyr Conwy.

Mae defnydd masnach heb awdurdod hefyd yn arwain at faterion diogelwch sy'n gysylltiedig â cherbydau mwy ac yn ychwanegu at amseroedd aros ar gyfer defnyddwyr cyfreithlon eraill.

Mae rhai preswylwyr yn berchen ar fan neu gerbyd bach o fath masnachol a byddant am eu defnyddio i ymweld â Chanolfannau Ailgylchu Gwastraff Cartref gyda'u gwastraff cartref eu hunain.

Cynllun caniatáu yw'r ffordd decaf i sicrhau y gall preswylwyr ddefnyddio eu cerbydau eu hunain i ymweld â'r safleoedd, wrth atal defnydd anghyfreithlon gan fasnachwyr.

Mae'r Cyngor yn gweithredu Cynllun Trwydded Fan Ddomestig a Thrwydded Defnydd Untro. Rhaid i bob defnyddiwr gydymffurfio â'r amodau canlynol:

### **11.1 MATHAU O DRWYDDEDAU**

#### **Trwydded Fan Ddomestig (DVP)**

- Yn berthnasol i'r rhan fwyaf o ddeiliaid tai sy'n berchen ar fan neu gerbyd o fath masnachol (heb arwydd ysgrifenedig) i gael gwared ar wastraff domestig o'u cartrefi eu hunain.
- Bydd deiliaid tai sy'n talu Treth safonol y Cyngor yng Nghonwy sy'n dymuno defnyddio fan neu gerbyd bach o fath masnachol i gael gwared ar eu gwastraff cartref eu hunain, â hawl i wneud cais am 20 **Trwydded Fan Ddomestig** (20 ymweliad) bob 12 mis er mwyn mynd i mewn i Ganolfan Ailgylchu Gwastraff Cartref.
- Bydd uchafswm o 20 trwydded (gan ganiatáu 20 ymweliad â Chanolfannau Ailgylchu Gwastraff Cartref) yn cael eu cyhoeddi fesul cartref fesul blwyddyn.

### **Trwydded Fan Defnydd Untro**

- Ar gyfer deiliaid tai sy'n dymuno cael gwared ar wastraff domestig o'u cartrefi eu hunain gan ddefnyddio fan neu gerbyd wedi'i logi, ei fenthyca, neu waith, ac ar gyfer unrhyw fath o gerbyd sydd ag arwydd ysgrifenedig arno.
- Bydd uchafswm o 2 Drwydded Fan Defnydd Untro (gan ganiatáu 2 ymweliad â Chanolfannau Ailgylchu Gwastraff Cartref) yn cael eu rhoi fesul blwyddyn.

## **11.2 AMODAU TRWYDDEDAU**

- Ni fydd unrhyw drwydded yn cael ei hail-gyhoeddi cyn i'r cyfnod o 12 mis ddod i ben, oni bai bod amgylchiadau eithriadol yn berthnasol. Gall deiliad tŷ ddewis pryd i ddefnyddio'r trwyddedau - i gyd mewn un mis neu eu rhannu dros y flwyddyn.
- Mae trwyddedau a roddwyd yn berthnasol i gerbyd mewn cyfeiriad penodol yng Nghonwy ac nid y gwastraff, felly, hyd yn oed gyda thrwydded, mae gan staff y safle mewn Canolfannau Ailgylchu Gwastraff Cartref hawl i allu gwrthod unrhyw un dan amheuaeth o ddod â gwastraff o natur fasnachol.
- Bydd deiliaid tai sy'n talu Treth safonol y Cyngor yng Nghonwy â hawl i wneud cais am drwyddedau trwy lenwi ffurflen gais yn llawn.

Bydd yn ofynnol i ddeiliaid tai roi'r wybodaeth ganlynol:

- Enw'r ymgeisydd
- Cyfeiriad
- Rhif ffôn
- Rhif Cofrestru'r cerbyd
- Math a lliw'r cerbyd
- Math o gerbyd: fan, pic-up, trelar, cerbyd ag arwydd ysgrifenedig
- Manylion y geiriad ar gerbyd (os yw ag arwydd ysgrifenedig)
- Llofnod i gadarnhau eich bod yn derbyn Telerau ac Amodau cynllun trwyddedu'r

## Ganolfan Ailgylchu Gwastraff Cartref

- Bydd trwyddedau'n cael eu cyhoeddi yn erbyn y meini prawf canlynol:
  - rhif cofrestru'r cerbyd
  - cyfeiriad y cartref
- Rhaid i bob ffurflen gais wedi'i llenwi ddod gyda'r dystiolaeth ganlynol bod deiliad y cartref yn berchen ar y cerbyd ac yn byw yng Nghonwy;
  - Dogfen Gofrestru'r Cerbyd (V5/V5C) (dim angen ar gyfer trwyddedau untro)
  - Prawf o breswyllo yng Nghonwy (dau fil cyfleustodau neu ddatganiadau banc diweddar (bil treth y cyngor, cytundeb tenantiaeth neu lyfr rhent, bil cyfleustodau, trwydded yrru.) Rhaid i bob dogfennaeth gynnwys enw a chyfeiriad ac yn ddyddiedig o fewn y 3 mis diwethaf o ddyddiad y cais.
  - Ffotograff o'r cerbyd a gofrestrir

Dim ond os ydynt yn cyd-fynd â'r ddogfen prawf preswyllo y bydd trwyddedau yn cael eu rhoi i gerbydau, yn y cyfeiriad ar y ddogfen gofrestru V5. (Bydd eithriadau yn cael eu gwneud ar gyfer cerbydau cytundeb les preifat hir dymor, lle gellir gwirio fod deiliad y les yn preswyllo yng Nghonwy neu lle pan fydd ymgeisydd yn gwneud cais am drwyddedau untro ar gyfer cerbydau llogi).

- Gweler 11.3 a 11.4 ar gyfer gofynion cais am drwydded mewn perthynas â llogi cerbydau, cerbydau ag arwydd ysgrifenedig a defnyddio neu benthyca cerbydau gwaith i wneud cais am Drwydded Defnydd Untro.
- Rhaid i ffurflen gais wedi'i llenwi, ynghyd â dogfennau ategol (cofrestru'r cerbyd, prawf preswyllo) gael eu hanfon ar e-bost at [affch@conwy.gov.uk](mailto:affch@conwy.gov.uk) neu eu postio at Yr Amgylchedd, Ffyrdd a Chyfleusterau, Blwch Post 1, Conwy, LL30 9GN, lle bydd y manylion yn cael eu gwirio a'u dilysu gan aelod o staff y Cyngor.
- Dim ond unwaith y flwyddyn y bydd Trwyddedau yn cael eu rhoi i gyfeiriadau unigol - uchafswm o 20 trwydded fesul cartref fesul blwyddyn (ar gyfer trwydded Fan Ddomestig) neu uchafswm o 2 Drwydded Fan Defnydd Untro y flwyddyn. Os oes gan aelwyd fwy nag un cerbyd bach o fath masnachol yn eu cyfeiriad cartref, bydd yn rhaid iddynt benderfynu pa gerbyd sydd fwyaf addas i'w ddefnyddio.
- Ni ellir rhoi trwyddedau i gerbydau yn erbyn cyfeiriadau lluosog.
- Nid oes gwahaniaeth rhwng pa ddeiliad tŷ sy'n gyrru'r cerbyd.

- Wrth wneud apwyntiadau ar gyfer Canolfannau Ailgylchu Gwastraff Cartref rhaid nodi rhif y drwydded wrth wneud yr apwyntiad.
- Dim ond ar gyfer y cerbyd a ddisgrifi ar y drwydded y mae trwydded yn ddilys.
- Mae trwyddedau yn ddilys yn y ddwy Ganolfan Ailgylchu Gwastraff Cartref yng Nghonwy.
- Os yw deiliad tŷ yn newid eu cyfeiriad neu eu cerbyd rhaid iddynt roi gwybod i'r Cyngor cyn ail ymgeisio gyda manylion newydd. Bydd trwyddedau wedi eu diwygio yn annilysu'r hen drwydded.
- Os bydd unrhyw drwyddedau yn cael eu colli neu eu difrodi, dylai'r deiliaid tai anfon e-bost at yr Amgylchedd, Ffyrdd a Chyfleusterau [affch@conwy.gov.uk](mailto:affch@conwy.gov.uk) neu ffonio **01492 575337** am ragor o fanylion.
- Mae Cyngor Bwrdeistref Sirol Conwy yn cadw'r hawl i ganslo trwyddedau neu newid gweithrediad y cynllun Trwydded Fan Ddomestig y Ganolfan Ailgylchu Gwastraff Cartref ar unrhyw adeg.
- Bydd deiliaid tai sy'n dod i safle Canolfan Ailgylchu Gwastraff Cartref heb drwydded ar gyfer eu fan neu gerbyd bach o fath masnachol yn cael eu troi ymaith.
- Ni fydd cerbydau mawr o fath masnachol nad ydynt yn cwrdd â'r meini prawf maint â'r hawl i fynd i mewn Ganolfannau Ailgylchu Gwastraff Cartref ac ni fyddant yn gymwys i gael unrhyw drwyddedau. Gweler 11.7

### **11.3 LLOGI FAN NEU GERBYD O FATH MASNACHOL (TRWYDDED DEFNYDD UNTRO)**

- Bydd deiliad tŷ yn defnyddio fan wedi'i llogi i gael gwared ar wastraff eu cartrefi eu hunain, yn gallu gwneud cais am Drwydded Defnydd Untro. Rhaid i'r deiliad tŷ ddarparu'r cytundeb llogi cerbyd a dylid ei anfon ar e-bost at [erf@conwy.gov.uk](mailto:erf@conwy.gov.uk) neu ei bostio at Yr Amgylchedd, Ffyrdd a Chyfleusterau, Blwch Post 1, Conwy, LL30 9GN, lle bydd y manylion yn cael eu gwirio a'u dilysu gan aelod o staff y Cyngor.
- Mae cyfyngiadau cerbydau yn dal yn berthnasol i gael mynediad i'r safle. Os nad yw'r cerbyd yn bodloni gofynion maint neu fath cerbyd, ni fydd yn cael mynediad i safle'r Ganolfan Ailgylchu Gwastraff Cartref.

### **11.4 BENTHYCA NEU DDEFNYDDIO FANIAU CWMNI NEU FANIAU GWAITH A CHERBYDAU O FATH MASNACHOL (GAN GYNNWYS CERBYD AG ARWYDD WEDI'I YSGRIFENNU ARNO) (TRWYDDED FAN DEFNYDD UNTRO)**

- Gall deiliaid tai o Gonwy ddefnyddio fan eu cyflogwyr neu gerbydau o fath masnachol (cyn belled fod y cerbyd yn cydymffurfio â chyfyngiadau maint 11.7) i gael gwared ar wastraff cartrefi eu hunain mewn Canolfannau Ailgylchu Gwastraff Cartref gydag uchafswm o 2 Drwydded Fan Defnydd Untro'r flwyddyn. Fodd bynnag, bydd y deiliad tŷ angen llythyr gan y perchennog (neu ei gynrychiolydd) ar bapur y cwmni sy'n rhoi caniatâd i'r ymgeisydd ddefnyddio'r cerbyd i symud eu gwastraff domestig eu hunain, a fydd yn cael ei ddefnyddio yn lle'r Ddogfen Cofrestru Cerbyd V5 ar gyfer dibenion dilysu (bydd prawf preswyllo yng Nghonwy yn dal yn ofynnol gan ddeiliad y tŷ).
- Ni all deiliaid tai ddefnyddio trwydded i ddod ag unrhyw wastraff sy'n ymwneud â'r gweithgaredd busnes y defnyddir y cerbyd ar ei gyfer fel arfer. Er mwyn osgoi amheuaeth, er enghraifft, os yw'r cerbyd yn cael ei ddefnyddio yn bennaf ar gyfer gwasanaethau torri gwair, ni fyddai'r safle'n gallu derbyn unrhyw doriadau gwair, fodd bynnag, byddai symiau bach o wastraff domestig arall (yn unol â'r Polisi) yn cael eu derbyn.

#### 11.5 CERBYDAU A THRELARS NA FYDD ANGEN TRWYDDED

- Ni fydd y cynllun trwyddedu'n effeithio ar y rhan fwyaf o ddefnyddwyr safle, gan gynnwys y cerbydau canlynol:
  - ceir maint safonol
  - cerbydau 4x4 (ac eithrio trycs 4x4 a fydd angen trwyddedau, gweler 11.6)
  - ceir mawr (*people carriers*)
  - trelars echel sengl

#### 11.6 FANIAU A CHERBYDAU O FATH MASNACHOL A FYDD ANGEN TRWYDDED

- Bydd angen trwydded aelwyd Canolfan Ailgylchu Gwastraff Cartref ar ddeiliaid tai Conwy i gael mynediad i Ganolfannau Ailgylchu Gwastraff Cartref os ydynt yn defnyddio faniau neu gerbydau o fath masnachol **nad ydynt yn fwy na 5 metr o hyd neu'n uwch na 2.0 metr** (yn cynnwys unrhyw osodion a ffitiadau allanol fel rheseli pen to, ysgolion ac ati). Mae cerbydau o fath masnachol yn cael eu diffinio fel cerbyd gydag un neu fwy o'r nodweddion canlynol:
  - Nid oes ffenestri cefn
  - Nid oes ffenestri ochr cefn
  - Nid oes seddi cefn
  - Cefn agored, neu gefn ar wahân i'r prif gaban (pic-yps a chaban caeedig)
  - Unrhyw fath o gerbyd (gan gynnwys ceir a cherbydau 4x4) gydag arwydd allanol

ag ysgrifen yn hysbyseb busnes masnachol (Trwydded Defnydd Untro yn unig).

### **11.7 CERBYDAU MASNACHOL MAWR NA FYDD YN CAEL MYNEDIAD I SAFLEOEDD CANOLFANNAU AILGYLCHU GWASTRAFF CARTREF**

- Mae gan y Canolfannau Ailgylchu Gwastraff Cartref gyfyngiadau maint cerbydau yn eu lle oherwydd amodau trwydded amgylcheddol, rheoli traffig, iechyd a diogelwch ac i reoli'r camddefnydd o wastraff masnachol.
- Nid yw cerbydau mawr o fath masnachol sydd dros 5.0 metr o hyd neu dros 2.0 metr o uchder (gan gynnwys unrhyw osodion a ffitiadau allanol fel rheseli pen to, ysgolion ac ati) yn cael mynediad i'r safleoedd Canolfan Ailgylchu Gwastraff Cartref.
- Yn ogystal â maint cerbyd, ni fydd y mathau o gerbydau penodol canlynol yn cael mynediad i safleoedd Canolfannau Ailgylchu Gwastraff Cartref;
  - faniau sylfaen olwyn hir
  - faniau uchel (faniau bocs Luton)
  - tryciau gwastad
  - cerbyd tipio
  - tractorau a pheiriannau amaethyddol neu gerbydau tebyg (fel telehandler)
  - Cyfyngir ar drelars mawr (gydag echel ddwbl) (Trwydded Defnydd Untro).

### **11.8 POBL NAD YDYNT YN BRESWYLWYR YNG NGHONWY**

- Dim ond i gartrefi Conwy y bydd trwyddedau yn cael eu dosbarthu. (Dim ond cartrefi yng Nghonwy sy'n talu Treth y Cyngor safonol sydd â'r hawl i ddefnyddio Canolfannau Ailgylchu Gwastraff Cartref y Cyngor).
- Gall deiliaid tai o'r tu allan i Fwrdeistref Sirol Conwy sy'n dymuno defnyddio'r Canolfannau Ailgylchu Gwastraff Cartref ar gyfer gwastraff sy'n dod o gartrefi o gyfeiriad yng Nghonwy wneud hynny, efallai y bydd angen mwy o wybodaeth ar y swyddogion, cyn prosesu cais.

### **11.9 FFURFLENNI YMWADIAD GWASTRAFF MASNACHOL**

- Dim ond rhoi caniatâd i fynd i'r Canolfan Ailgylchu Gwastraff Cartref mae trwydded, ac nid yw'n drwydded i gael gwared ar wastraff. Bydd unrhyw ddeunydd (mathau a meintiau) sy'n dod i'r safleoedd yn dal i fod yn destun Polisi Canolfan Ailgylchu Gwastraff Cartref Cyngor Bwrdeistref Sirol Conwy ac efallai y bydd gofyn i ddeiliaid tai gadarnhau fod gwastraff yn dod o'u cartrefi eu hunain.
- Bydd ffurflenni ymwadiad gwastraff masnachol yn parhau i gael eu defnyddio, lle na all staff y safle wahaniaethu bod y gwastraff yn ganlyniad i

weithgarwch masnachol neu weithgarwch yn y cartref, gan mai'r cerbyd sy'n cael ei ganiatáu ac nid y gwastraff. Gan ddibynnu ar ba mor aml y gwneir ymweliadau neu'r math o wastraff sy'n cael ei waredu, efallai y gofynnir i ddeiliaid trwydded lenwi ffurflen ymwadiad i gadarnhau bod y gwastraff yn dod o ffynhonnell cartref (eu cartref eu hunain), ac nad yw'n cael ei gludo er mwyn gwneud elw neu mewn perthynas â gweithgarwch masnachol. Bydd cofnodion a ffotograffau yn cael eu cynnal at ddibenion monitro ac os bydd hynny'n briodol, byddant yn cael eu defnyddio fel tystiolaeth mewn unrhyw achos o dorri rheolau safle neu ddeddfwriaeth, er enghraifft tipio anghyfreithlon.

- Ar gyfer gwastraff cartref yn unig mae Canolfannau Ailgylchu Gwastraff Cartref, ac ni chaniateir gwastraff masnachol. Mae gwastraff masnachol yn cael ei ddiffinio fel gwastraff sy'n deillio o unrhyw weithgarwch creffttau, busnes, masnachol neu ddiwydiannol. Ni all unrhyw un sydd wedi derbyn unrhyw dâl am gario gwastraff neu sy'n cynhyrchu gwastraff o'u gwaith fynd â'r gwastraff hwn i Ganolfan Ailgylchu Gwastraff Cartref.

#### **11.10 RHEOLAU'R SAFLE**

- Gofynnir i ddeiliaid tai gydymffurfio â rheolau'r safle a Pholisi Canolfannau Ailgylchu Gwastraff Cartref Conwy, mewn perthynas â defnyddio Trwyddedau Fan Ddomestig neu Drwyddedau Defnydd Untro.

#### **11.11 MONITRO A GWERTHUSO**

Bydd y cynllun Trwydded Fan Ddomestig yn cael ei weinyddu gan y Cyngor. Bydd Trwyddedau Faniau Domestig a 2 Drwydded Defnydd Untro yn cael eu cyhoeddi'n electronaidd a rhaid nodi rhif y drwydded ar y ffurflen archebu wrth wneud apwyntiad i ymweld â Chanolfan Ailgylchu Gwastraff Cartref.

Bydd monitro i atal ceisiadau anghyfreithlon neu ddefnydd o'r drwydded yn digwydd fel a ganlyn:

- drwy gyfrwng y ffurflen gais gan staff gweinyddol y Cyngor
- bydd pob trwydded â rhif trwydded unigryw
- gan staff y safle yn y Ganolfan Ailgylchu Gwastraff Cartref drwy ddilysu pob trwydded y cyfeirir atynt ar archebion apwyntiadau cerbydau sy'n dod i'r safle
- Meddalwedd Camera Adnabod Rhifau Ceir yn Awtomatig (ANPR) yn cofnodi pob cerbyd sy'n mynd i'r safle. Croesgyfeirir nifer yr ymweliadau a gofnodwyd ar y system ANPR yn erbyn nifer y trwyddedau a gyhoeddir ac a ddefnyddir yn y ddwy Ganolfan Ailgylchu Gwastraff Cartref yng Nghonwy.
- Teledu cylch cyfyng yn y ddwy Ganolfan Ailgylchu Gwastraff Cartref
- Ffurflenni ymwadiad gwastraff masnachol



- Bydd ymweliadau yn cael eu cofnodi a bydd y wybodaeth yn cael ei chadw gan y Cyngor at ddibenion monitro.
- Gwneir rhagor o groesgyfeiriadau gyda'r ffurflenni ymwadiad gwastraff masnachol a bydd unrhyw anghydfod dros y cyfnod o 12 mis yn cael eu cofnodi.
- Os yw deiliad tŷ yn newid cyfeiriad, neu fanylion y cerbyd, mae'n rhaid iddynt roi gwybod i'r Cyngor er mwyn diweddarau'r manylion a chael trwyddedau newydd. Gellir anfon yr wybodaeth newydd ar e-bost at [erf@conwy.gov.uk](mailto:erf@conwy.gov.uk) neu ei bostio at Yr Amgylchedd, Ffyrdd a Chyfleusterau, Blwch Post 1, Conwy, CONWY LL30 9GN, lle bydd y manylion yn cael eu gwirio a'u dilysu gan aelod o staff y Cyngor. Bydd deiliaid tai ond yn derbyn trwyddedau newydd yn seiliedig ar nifer y trwyddedau sydd heb gael eu defnyddio yn ystod eu cyfyngiad cyfredol o 12 mis. Bydd trwyddedau blaenorol yn annilys a rhaid eu rhoi yn ôl i'r Cyngor. Pe na byddai trwyddedau heb eu defnyddio yn cael eu rhoi yn ôl, bydd y Cyngor yn trin y sefyllfa hon yr un fath â phe bai deiliad tŷ wedi colli'r trwyddedau.
- Bydd y Cyngor yn monitro ymweliadau i atal a rheoli ceisiadau dyblyg ar gyfer adnewyddu trwyddedau coll neu sydd wedi'u dwyn, hynny yw deiliaid tai sy'n parhau i ddefnyddio'r trwyddedau yr honnwyd iddynt fynd ar goll, ar ôl derbyn rhai newydd.
- Bydd y Cyngor yn monitro ymweliadau i nodi unrhyw drwyddedau sydd wedi cael eu copïo neu sy'n gopiâu ffug.
- Bydd gan y Cyngor yr hawl i wrthod unrhyw berson rhag dod i Ganolfan Ailgylchu Gwastraff Cartref os yw'n amau eu bod wedi mynd yn groes unrhyw un o'r amodau a amlygwyd o fewn y Polisi Canolfannau Ailgylchu Gwastraff Cartref.